

四庫全書

集部

欽定四庫全書

古樂苑卷十

明 梅鼎祚 編

鼓吹曲辭三

魏

吳

晉

魏鼓吹曲

晉書樂志曰魏文帝使繆襲造鼓吹十二曲以代漢曲

繆襲

楚之平

晉書樂志曰改漢朱鷺言魏也宋書作初之平按宋書在晉書前今並從宋本

其文異者注下

楚之平義兵征神武奮金鼓鳴邁武德揚洪名漢室微
社稷傾皇道失桓與靈閣官熾羣雄爭邊韓起亂金城
中國擾無紀經赫武皇起旗旌麾天下天下平濟九州
九州寧創武功武功成越五帝邈三王興禮樂定紀綱
普日月齊暉光

曲凡三十
句句三字

戰榮陽

改漢思悲翁
言曹公也

戰榮陽汴水陂戎士憤怒貫甲馳陳未成退徐榮二萬
騎塹壘平戎馬傷六軍驚勢不集衆幾傾白日沒時晦

冥顧中年心屏營同盟疑計無成賴我武皇萬國寧

曲凡

二十句十八句句

三字二句句四字

獲呂布

改漢艾如張言曹公東
圍臨淮生擒呂布也

獲呂布戮陳宮焚夷鯨鯢驅騁羣雄囊括天下運掌中

曲凡六句句三句句
三字三句句四字

克官渡

改漢上之回言曹公與
袁紹戰破之於官渡也

克紹官渡由白馬僵屍流血被原野賊衆如犬羊王師
尚寡沙塹旁風飛揚轉戰不利士卒傷今日不勝後何

望土山地道不可當卒勝大捷震冀方屠城破邑神武

遂章

曲凡十八句八句句四字
一句五字九句句三字

舊邦

改漢翁離言曹公勝袁紹於
官渡還譙收藏死亡士卒也

舊邦蕭條心傷悲孤魂翩翩當何依遊士戀故涕如摧

兵起事大令願違傳求親戚在者誰立廟置後魂來歸

曲凡十二句句六句句
三字六句句四字

定武功

改漢戰城南言曹公初破
鄴武功之定始乎此也

定武功濟黃河河水湯湯旦暮有橫流波衣氏欲哀兄

弟尋干戈決漳水水流滂沱詹城中如流魚誰能復顧
室家計窮慮盡求來連和和不時心中憂戚賊衆內潰
君臣奔北拔鄴城奄有魏國王業艱難覽觀古今可爲
長歎

曲凡二十一一句五句句三字三句
句六字十二句句四字一句五字

屠柳城

改漢巫山高言曹公越北塞歷
白檀破三郡烏桓於柳城也

屠柳城功誠難越度隴塞路滂滂北踰岡平但聞悲風
正酸蹋頓授首遂登白狼山神武熱海外永無北顧患
曲凡十句三句句三字三句句
四字三句句五字一句六字

平南荆

改漢上陵言曹公南平荆州也

南荆何遼遼江漢濁不清菁茅久不貢王師赫南征劉琮據襄陽賊豎屯樊城六軍廬新野金鼓震天庭劉子面縛至武皇許其成許與其成撫其民陶陶江漢間普爲大魏臣大魏臣向風思自新思自新齊功古人在昔虞與唐大魏得與均多選忠義士爲喉脣天下一定萬

世無風塵

曲凡二十四句十七句句五字四句句三字三句句四字

平關中

改漢將進酒言曹公征馬超定關中也

平關中路向潼濟濁水立高墉關韓馬離羣凶選驍騎

縱兩翼虜奔潰級萬億

曲凡十句
句三字

應帝期

改漢有所思言文帝以
聖德受命應運期也

應帝期於昭我文皇歷數承天序龍飛自許昌聰明昭

四表恩德動遐方星辰爲垂耀日月爲重光河洛吐符

瑞草木挺嘉祥麒麟步郊野黃龍遊津梁白虎依山林

鳳凰鳴高岡考圖定篇籍功配上古義皇義皇無遺文

仁聖相因循期運三十歲一生聖明君堯授舜萬國萬

國皆附親四門爲穆穆教化常如神大魏興盛與之爲

鄰

曲凡二十六句一句三字二句句四字
二十三句句五字一句六字盛一作聖

邕熙

改漢芳樹言魏氏臨其國
君臣邕穆庶績成熙也

邕熙君臣念德天下治登帝道獲瑞寶頌聲並作洋洋

浩浩吉日臨高堂置酒列名倡歌聲一何紆餘雜笙簧

八音諧有紀綱子孫永建萬國壽考樂無央

曲凡十五
句六句句

三字三句句四句一句二字

三句句五字二句句六字

太和

改漢上邪言明帝繼體承
統太和改元德澤流布也

惟太和元年皇帝踐阼聖且仁德澤爲流布灾蝗一時
爲絕息上天時雨露五穀溢田疇四民相率遵軌度事
務激清天下獄訟察以情元首明魏家如此那得不太
平

曲凡十三句二句句三字五句句五字
三句句四字三句句七字溢一作滋

吳鼓吹曲

宋書樂志曰韋昭孫休時上鼓
吹十二曲表曰當付樂官習歌 韋昭

炎精缺 宋書樂志曰當漢朱鷺言漢室衰孫堅
奮迅猛志念在匡救王迹始乎此也

炎精缺漢道微皇綱弛政德違衆姦熾民罔依赫武烈

越龍飛陟天衢耀靈威鳴雷鼓抗電麾撫乾衡鎮地機
厲虎旅騁熊羆發神聽吐英奇張角破邊韓羈宛潁平
南土綏神武章渥澤施金聲震仁風馳顯高門啓皇基
統罔極垂將來

曲凡三十
句句三字

漢之季

當漢思悲翁言孫堅悼漢之微痛
董卓之亂興兵奮擊功蓋海內也

漢之季董卓亂桓桓武烈應時運義兵興雲旗建厲六
師羅八陳飛鳴鏑接白刃輕騎發介士奮醜虜震使衆
散劫漢主遷西館雄豪怒元惡憤赫赫皇祖功名聞

曲凡

二十句十八句
三字二句句四字

攄武師

當漢文如張言孫權
卒父之業而征伐也

攄武師斬黃祖攘夷凶族革平西夏炎炎大烈震天下

曲凡六句三句句三字
三句句四字攘一作攔

伐烏林

當漢上之回言魏武既破荊州從流東
下欲來爭鋒孫權命將周瑜逆擊之於

烏林而
破走也

曹操北伐拔柳城乘勝席卷遂南征劉氏不睦八郡震
驚衆既降操屠荊舟車十萬揚風聲議者狐疑慮無成

賴我大皇發聖明虎臣雄烈周與程破操烏林顯章功

名

曲凡十八句十句句
四字八句句三字

秋風

當漢擁離言孫權悅
以使民忘其死也

秋風揚沙塵寒露沾衣裳角弓持弦急鳩鳥化爲鷹邊

垂飛羽檄寇賊侵界疆跨馬披介冑忼慨懷悲傷辭親

向長路安知存與亡窮達固有分志士思立功思立功

邀之戰場身逸獲高賞身沒有遺封

曲凡十六句十四
句句五字一句三

字一句
四字

克皖城

當漢戰城南言魏武志圖并兼而今朱光爲廬江太守孫權親征光破之於皖

城也

克滅皖城遏寇賊惡此凶孽阻姦慝王師赫征衆傾覆
除穢去暴戢兵革民得就農邊境息誅君弔臣昭至德

曲凡十二句六句四句
三字六句四句四字

關背德

當漢巫山高言蜀將雲長背弃吳德
心懷不測孫權引師浮江而禽之也

關背德作鴟張割我邑城圖不祥稱兵北伐圍樊襄陽
嗟臂大於股將受其殃魏夫吳聖主睿德與玄通與玄

通親任呂蒙汎舟洪池池游涉長江神武一何桓桓聲

烈正與風翔歷撫江安城大據郢邦蜀將授首百蠻咸

來同盛哉無比隆

曲凡二十一一句八句四句四字二句
句六字七句句五字四句句三字

通荆門

當漢上陵言孫權與蜀交好齊盟中有
雲長自失之誓戎蠻樂亂生變作患蜀

疑其眩吳惡其詐乃
大治兵終復初好也

荆門限巫山高峻與雲連蠻夷阻其險歷世懷不賓漢

王據蜀郡崇好結和親乖微中情疑讒夫亂其間大皇

赫斯怒虎臣勇氣震蕩滌幽藪討不恭觀兵揚炎燿厲

鋒整封疆整封疆闡揚威武容功赫戲洪烈炳章邈矣

帝皇世聖吳同厥風荒裔望清化化恢弘煌煌大吳延

祚永未央

曲凡二十四句十七句句五
字四句句三字三句句四字

章洪德

當漢將進酒言孫權章
其大德而遠方來附也

章洪德邁威神感殊風懷遠鄰平南裔齊海濱越裳貢

扶南臣珍貨充庭所見日新

曲凡十句八句句
三字二句句四字

從歷數

當漢有所思言孫權從
圖籙之符而建大號也

從歷數於穆我皇帝聖哲受之天神明表奇異建號創

皇基聰睿協神思德澤浸及昆蟲浩蕩越前代三光顯
精耀陰陽稱至治肉角步郊畛鳳皇棲靈囿神龜遊沼
池圖讖摹文字黃龍覲鱗符祥日月記覽往以察今我
皇多噲事上欽昊天象下副萬民意光被彌蒼生家戶
蒙惠賚風教肅以平頌聲章嘉喜大吳興隆綽有餘裕
曲凡二十六句一句三字三句四句
四字二十二句句五字一句六字

承天命

當漢芳樹言上以聖
德踐位道化至盛也

承天命於昭聖德三精垂象符靈表德巨石立九穗植

龍金其鱗烏赤具色興人歌億夫歎息超龍升襲帝服
窮淳懿體玄嘿夙興臨朝勞謙日昃易簡以崇仁放遠
讒與愚舉賢才親近有德均田疇茂稼穡審法令定品
式考功能明黜陟人思自盡唯心與力家國治王道直
思我帝皇壽萬億長保天祿祚無極

曲凡三十四句十
九句句三字二句

句五字十三

句句四字

玄化

當漢上邪言上修文訓武則天
而行仁澤流洽天下喜樂也

玄化象以天陛下聖真張皇綱率道以安民惠澤宣流

而雲布上下睦親君臣酣宴樂激發弦歌揚妙新修文

籌廟勝

頻

時備駕巡洛津康哉泰四海歡欣越與三五鄰

曲凡十三句五句句五字三句句四字二句句三句三句句七字

晉鼓吹曲

晉書樂志曰武帝令傅玄製鼓吹曲二十二篇述以功德代魏傅玄

靈之祥

當朱鷺宋書樂志曰言宣帝佐魏猶虞舜事堯既有石瑞之徵又能用武以誅

孟達之逆命也

靈之祥石瑞章旌金德出西方天降命授宣皇應期運

時龍驤繼大舜佐陶唐讚武文建帝綱孟氏叛據南疆
追有扈亂五常吳寇勁蜀虜彊交誓盟連遐荒宣赫怒
奮鷹揚震乾威耀電光陵九天陷石城梟逆命拯有生

萬國安四海寧

勁晉書
作叛

宣受命

當思悲翁言宣帝禦諸葛亮養
威重運神兵亮震怖而死也

宣受命應天機風雲時動神龍飛禦諸葛鎮雖梁邊境
安夷夏康務節事勤定傾攬英雄保持盈淵穆穆赫明
明冲而泰天之經養威重運神兵亮乃震死天下寧

晉書

作安寧死

晉書作覽

征遼東

當父如張言宣帝陵大海之表討滅公孫淵而梟其首也

征遼東敵失據威靈邁日域公孫既授首羣逆破膽咸震怖朔北響應海表景附武功赫赫德雲布

宣輔政

當上之回言宣帝聖道深遠撥亂反正網羅文武之才以定二儀之序也

宣皇輔政聖烈深撥亂反正從天心網羅文武才慎厥所生所生賢遺教施安上治民化風移肇創帝基洪業垂於鑠明明時赫戲功濟萬世定二儀定二儀雲澤雨

施海外風馳

從一作順
澤一作行

時運多難

當擁離言宣帝致討
吳方有征無戰也

時運多難道教痛天地變化有盈虛蠢爾吳蠻虎視江湖我皇赫斯致天誅有征無戰弭其圖天威橫被廓東

隅

虎晉書
作武

景龍飛

當戰城南言景帝克明威教賞
從夷逆祚隆無疆崇此洪基也

景龍飛御天威聰鑒玄察動與神明協機從之者顯逆之者滅夷文教敷武功魏普被四海萬邦望風莫不來

綏聖德潛斷先天弗違弗違祥享世永長猛以致寬道
化光赫明明祚隆無疆帝績惟期有命既集崇此洪基

平玉衡

當巫山高言景帝一萬國之殊風齊四海之乖心禮賢養士而纂洪業也

平玉衡紉姦回萬國殊風四海乖禮賢養士羈御英雄
思心齊纂戎洪業崇皇階品物咸亨聖敬日躋聰鑒盡
下情明明綜天機

文皇統百揆

當上陵言文皇帝始統百揆用人有序以敷太平之化也

文皇統百揆繼天理萬方武將鎮四寓英佐盈朝堂謀

言協秋蘭清風發其芳洪澤所漸潤礫石爲珪璋大道
侔五帝盛德踰三王咸光大上參天與地至化無內外
無內外六合並康乂竝康乂邁茲嘉令在昔羲與農大
晉德斯邁鎮征及諸州爲蕃衛立功濟四海洪烈流萬

世寓晉書
作隅

因時運

當將進酒言文皇帝因時運變聖謀潛
施解長蛇之交離羣桀之黨以武濟文

審其大計以
邁其德也

因時運聖策施長蛇交解羣桀離勢窮奔吳虎騎厲惟

武進審大計時適其德清一世

虎晉書作獸

惟庸蜀

當有所思言文皇帝既平萬乘之蜀封建萬國復五等之爵也

惟庸蜀僭號天一隅劉氏逆帝命禪亮承其餘擁衆數十萬闕隙乘我虛驛騎進羽檄天下不遑居姜維屢寇邊隴上爲荒墟文皇愍斯民歷世受辜辜外謨蕃屏臣內謀衆士夫爪牙應指授腹心獻良圖良圖協成文大興百萬軍雷鼓震地起猛勢陵浮雲逋虜畏天誅面縛造壘門萬里同風教逆命稱妾臣光建五等紀綱天人

獻一作同
大一作乃

天序

當芳樹言聖皇應歷受禪宏濟大化用人各盡其才也

天序歷應受禪承靈祐御羣龍勒螭虎宏濟大化英雋
作輔明明統萬機赫赫鎮四方咎繇稷契之疇協蘭芳
禮王臣覆兆民化之如天與地誰敢愛其身

大晉承運期

當上邪言聖皇應錄受圖化象神明也

大晉承運期德隆聖皇時清晏白日垂光應錄圖陟帝
位繼天正玉衡化行象神明至哉道隆虞與唐元首敷

洪化有寮股肱竝忠良民大康隆隆赫赫福祚盈無疆

金靈運

當君馬黃言聖皇踐阼致敬
宗廟而孝道施於天下也

金靈運天符發聖徵見參日月惟我皇體神聖受魏禪

應天命皇之興靈有徵登大麓御萬禩皇之輔若虓虎

爪牙奮莫之禦皇之佐讚清化百事理萬邦賀神祇應

嘉瑞章恭享祀薦先皇樂時奏磬管鏘鼓淵淵鐘煌煌

奠樽俎寶玉觴神歌響咸悅康宴孫子祐無疆大孝烝

烝德教被萬方

虓晉書作闕祀作
禮淵淵作殷殷

於穆我皇

當雉子班言聖皇
受命德合神明也

於穆我皇盛德聖且明受禪君世光濟羣生普天率土
莫不來庭顒顒六合內望風仰泰清萬國雖雖興頌聲
大化洽地平而天成七政齊玉衡惟平峨峨佐命濟濟
羣英夙夜乾乾萬幾是經雖治興匪荒寧謙道光冲不
盈天地合德日月同榮赫赫煌煌耀幽冥三光克從於
顯天垂景星龍鳳臻甘露宵零肅神祇祇上靈萬物欣
戴自天效其成

仲春振旅

當聖人出言大晉申文武之教畋獵以時也

仲春振旅大致民武教於時日新師執提工執鼓坐作從節有序盛矣允文允武蒐田表禡申法誓遂圍禁獻社祭允矣時明國制文武竝用禮之經列車如戰大教明古今誰能去兵大晉繼天濟羣生

民晉作人從晉作起允矣晉作允以

夏苗田

當臨高臺言大晉畋狩順時爲苗除害也

夏苗田運將徂軍國異容文武殊乃命羣吏選車徒辨其名號贊契書王軍啓八門行同上帝居時路建大麾

雲旗翳紫虛百官象其事疾則疾徐則徐回衡旋軫罷
陳弊車獻禽享祠烝烝配有虞惟大晉德參兩儀化雲

敷

選晉書
作撰

仲秋獮田

當遠期言大晉雖有文德
不廢武事順時以殺伐也

仲秋獮田金德常剛涼風清且厲凝露結爲霜白虎司
辰蒼隼時鷹揚鷹揚猶周尚父順天以殺伐春秋時叙
雷霆振威耀進退由鉦鼓致禽祀祊羽毛之用充軍府
赫赫大晉德芬烈陵三五敷化以文雖治不廢武光宅

四海永享天之祐

剛晉書作綱虎晉作藏治晉作安

從天道

當石留言仲冬大閱用武修文大晉之德配天也

從天道握神契三時示講武事冬大閱鳴鐃振鼓鐸旌旗象虹霓文制其中武不窮武動軍誓衆禮成而義舉三驅以崇仁進止不失其序兵卒練將如闕虎惟闕虎氣陵青雲解圍三面殺不殄羣偃旌麾班六軍獻享烝修典文嘉大晉德配天祿報功爵侯賢饗燕樂受茲百

祿壽萬年

如闕虎宋書作如虎闕宋書作彪虎並作武壽晉作嘉

唐堯

當務成言聖皇陟帝位德化光四表也

唐堯諮務成謙謙德所興積漸終光大履霜致堅冰神明道自然河海猶可凝舜禹統百揆元凱以次升禪讓應天歷睿聖世相承我皇陟帝位平衡正準繩德化飛四表祥氣見其徵興王坐俟旦亡主恬自矜致遠由近始覆簣成山陵披圖按先籍有具證靈液

主一作國恬一作主

玄雲

當玄雲言聖皇用人各盡其材也

玄雲起山嶽祥氣萬里會龍飛何蜿蜒鳳翔何翾翾昔

在唐虞朝時見青雲際今親遊方國流光溢天外鶴鳴
在後園清音隨風邁成湯隆顯命伊摯來如飛周文獵
渭濱遂載呂望歸符合如影響先天天弗違輟耕網時
網解褐衿天維元功配二主芬馨世所稀我皇叙羣才
洪烈何巍巍桓桓征四表濟濟理萬幾神化感無方髦
才盈帝畿丕顯惟昧旦日新孔所咨茂哉聖明德日月

同光輝

山嶽晉書作丘山方晉作萬網時
網晉作綜地網聖明一作明聖

伯益

當黃帝言赤烏銜書有周以
興今聖皇受命神雀來也

伯益佐舜禹職掌山與川德侔十六相思心入無閒智
理周萬物下知衆鳥言黃雀應清化翔集何翩翩和鳴
棲庭樹徘徊雲日間夏桀為無道密網施山阿酷祝振
織網當余黃雀何殷湯崇天德去其三面羅逍遙羣飛
來鳴聲乃復和朱雀作南宿鳳皇統羽羣赤鳥銜書至
天命瑞周文神雀今來遊為我受命君嘉祥致天和膏
澤降青雲蘭風發芳氣闔世同其芬

降一作隆

釣竿

當釣竿言聖皇德配堯舜又有
呂望之佐以濟天功致太平也

釣竿何冉冉甘餌芳且鮮臨川運思心微綸沈九淵太
公寶此術乃在靈秘篇機變隨物移精妙貫未然游魚
驚著釣潛龍飛戾天戾天安所至撫翼翔太清太清一
何異兩儀出渾成玉衡正三辰造化賦羣形退願輔聖
君與神合其靈我君宏遠略天人不足并天人初并時
昧昧何芒芒日月有徵兆文象興三皇蚩尤亂生民黃
帝用兵征萬方逮夏禹而德衰三代不及虞與唐我皇
聖德配堯舜受禪即祚享天祥率土蒙祐靡不肅庶事

康庶事康穆穆明明荷百禄保無極永泰平

淵晉書作
永生民晉

作生靈三代

晉作三世

晉凱歌 二首

命將出征歌

張華

下同

重華隆帝道戎蠻或不賓徐夷興有周鬼方亦違殷今
在盛明世寇虐動四垠豺狼染牙爪羣生號穹旻元帥
統方夏出車撫涼秦衆貞必以律臧否實在人威信加
殊類疎逖思自親單醪豈有味挾纊感至仁武功尚止

戈七德美安民遠跡由斯舉永世無風塵

有味一作無味

勞還師歌

獬狁背天德構亂擾邦畿戎車震朔野羣帥贊皇威將
士齊心膂感義忘其私積勢如韞弩赴節如發機
驚聲動山谷金光耀素輝揮戟陵勁敵武步蹈橫屍鯨鯢皆
授首北土永清夷昔往冒隆暑今來白雪霏征夫信勤
瘁自古詠采薇收榮於舍爵燕喜在凱歸

戰一作戈

古樂苑卷十

欽定四庫全書

集部
古樂苑卷十三

詳校官編修_臣李堯棟

侍讀臣孫球覆勘

總校官降調編修_臣倉聖脉

校對官主事_臣陳文樞

謄錄監生_臣劉昀

欽定四庫全書

古樂苑卷十一

明 梅鼎祚 編

鼓吹曲辭

四

宋

齊

梁

隋

宋鼓吹鏡歌

三首

宋書樂志曰鼓吹鏡歌四篇其一篇闕沈約云樂人以音聲相傳訓詁不可復解凡古樂錄皆大字是辭細字是聲聲辭合寫故致然耳

上邪曲

四解

大竭夜烏自云何來堂吾來聲烏奚姑悟姑尊盧聖子
黃尊來饒清嬰烏白日為隨來郭吾微令吾

應龍夜烏由道何來直子為烏奚如悟姑尊盧雞子聽
烏虎行為來明吾微令吾

詩則夜烏道祿何來黑洛道烏奚悟如尊爾尊盧起黃
華烏伯遼為國日忠兩令吾

伯遼夜烏若國何來日忠兩烏奚如悟姑尊盧面道康
尊錄龍永烏赫赫福祚夜音微令吾

晚芝曲

九解宋書樂志曰漢曲有遠期疑是也

幾令吾幾令諸韓亂發正令吾

幾令吾諸韓從聽心令吾若里洛何來韓微令吾

尊盧忌盧文盧子路子路為路雞如文盧炯烏諸祚微
令吾

幾令諸韓或公隨令吾

幾令吾幾諸或言隨令吾黑洛何來諸韓微令吾

尊盧安成隨來免路路子為吾路奚如文盧炯烏諸祚

微令吾

幾令吾幾諸或言隨令吾

此下宋書無

幾令吾諸或言幾苦黑洛何來諸韓微令吾

尊盧公汧隨來免路子子路子為路奚姑文盧炯烏諸
祚微令吾

艾如張曲 三解

幾令吾呼歷舍居執來隨咄武子邪令烏銜鉞相風其

右其右

幾令吾呼羣議破萌孰來隨吾咄武子邪令烏令烏今
脏入海相風及後

幾令吾呼無公赫吾孰來隨吾咄武子邪令烏無公赫
吾倨立諸布始布

宋鼓吹鏡歌

十五首

宋書樂志曰鼓吹鏡歌十五篇何承天晉義熙
末私造疑未嘗被於歌也雖有漢曲舊名大抵
別增新意故其義與
古辭考之多不合云

何承天

朱路篇

金少卿八言
卷十一
朱路揚和鸞翠蓋耀金華玄牡飾樊纓流旌拂飛霞雄
戟闢曠塗班劒翼高車三軍且莫喧聽我奏鏡歌清鞞
驚短簫朗鼓節鳴笳人心惟愷豫茲音亮且和輕風起
紅塵渟瀾發微波逸韻騰天路積響結城阿仁聲被八
表威震振九遐詹詹介胄士勗哉念皇家

思悲公篇

思悲公懷衾衣東國何悲公西歸公西歸流二叔幼主
既悟偃禾復偃禾復聖志申營都新邑從斯民從斯民

德惟明制禮作樂興頌聲興頌聲致嘉祥鳴鳳爰集萬
國康萬國康猶弗已握髮吐餐下羣士惟我君繼伊周
親覩盛世復何求

離離篇

雍士多離心荆民懷怨情二凶不量德搆難稱其兵王
人銜朝命正辭糾不庭上宰宣九伐萬里舉長旌樓船
掩江濱駟介飛重英歸德戒後夫賁勇尚先鳴逆徒既
不濟愚智亦相傾霜鋒未及染鄙郢忽已清西川無潛

鱗北渚有奔鯨凌威致天府一戰夷三城江漢被美化
宇宙歌太平惟我東郡民曾是深推誠

戰城南篇

戰城南衝黃塵丹旌電烜鼓雷震勅敵猛戎馬殷橫陳
亘野若屯雲仗大順應三靈義之所感士忘生長劒擊
繁弱鳴飛鏑炫晃亂奔星虎騎躍華旄旋朱火延起騰
飛煙驍雄斬高旗塞長角浮呌響清天夷羣寇殪逆徒
餘黎霑惠詠來蘇奏愷樂歸皇都班爵獻俘邦國娛

巫山高篇

巫山高三峽峻青壁千尋深谷萬仞崇巖冠靈林冥冥
山禽夜響晨猿相和鳴洪波迅激載逝載停悽悽商旅
之客懷苦情在昔陽九皇綱微李氏竊命宣武耀靈威
蠢爾逆縱復踐亂機王旅薄伐傳首來至京師古之為
國惟德是貴力戰而虐民鮮不顛墜矧乃叛戾伊胡能
遂咨爾巴子無放肆

上陵者篇

上陵者相追攀被服纖麗振綺紈攜童幼升崇巒南望
城闕鬱盤桓王公第通衢端高甍華屋列朱軒臨濬谷
掇秋蘭士女悠奕映隰原指營丘感牛山奕鳩既沒景
君歎詹歲聿逝不還志氣哀沮玄鬢斑野莽宿墳土乾
顧此纍纍中心酸生必死亦何怨取樂今日展情歡

將進酒篇

將進酒慶三朝備繁禮薦嘉肴榮枯換霜霧交緩春帶
命朋僚車等旗馬齊鑣懷溫克樂林濠士失志愠情勞

思旨酒寄遊遨敗德人甘醇醪耽長夜或淫妖興屢舞
厲哇謠形傴僂聲號呶首既濡志亦荒性命大國家亡
嗟後生節酣觴匪酒辜孰為殃

君馬篇

君馬麗且閑揚鑣騰逸姿駿足躡流景高步追輕飛丹
冉六轡柔奕奕金華輝輕霄翼羽蓋長風靡淑旂願為
范氏驅雖容步中畿豈效詭遇子馳騁趣危機鉛陵策
良駟造父為之悲不怨吳坂峻但恨伯樂稀救彼歧山

金史卷之八十一
盜實濟韓原師奈何漢魏主縱情營所私疲民甘藜藿
廐馬患盈肥人畜皆厭養蒼生將焉歸

芳樹篇

芳樹生北庭豐隆正徘徊翠穎陵冬秀紅葩迎春開佳
人閒幽室惠心婉以諧蘭芳掩綺幌綠草被長階日夕
遊雲際歸禽命同棲皓月盈繁景涼風拂中閨哀絃理
虛堂要妙清且悽嘯歌流激楚傷此碩人懷梁塵集丹
帷微颺揚羅袿豈怨嘉時暮徒惜良願乖

有所思篇

有所思思昔人曾閔二子善養親和顏色奉昏晨至誠
烝烝通明神鄒孟軻為齊卿稱身受祿不貪榮道不用
獨擁楹三徙既許禮義明飛鳥集猛獸附功成事畢乃
更娶哀我生邁凶旻幼罹荼毒備艱辛慈顏絕見無因
長懷永思託丘墳

毒郭作酷

雄子遊原澤篇

雄子遊原澤幼懷耿介心飲啄雖勤苦不願棲園林古

有避世士抗志清霄岑浩然寄卜肆揮棹通川陰逍遙
風塵外散髮撫鳴琴卿相非所盼何況於千金功名豈
不美寵辱亦相尋冰炭結六府憂虞纏胃襟當世須大
度量已不克任三復泉流誠自驚良已深

上邪篇

上邪下難正衆枉不可矯音和響必清端影緣直表大
化揚仁風齊人猶偃草聖王既已沒誰能宏至道開春
湛柔露代終肅嚴霜承平貴孔孟政弊戾申商孝公明

賞罰六世猶克昌李斯肆濫刑秦民所以亡漢宣隆中
興魏祖寧三方譬彼鍼與石效疾故稱良行葦非不厚悠悠
何詎央琴瑟時未調改弦當更張矧乃治天下此要安可忘

臨高臺篇

臨高臺望天衢飄然輕舉陵太虛携列子超帝鄉雲衣
雨帶藥風翔肅龍駕會瑤臺清輝浮景溢蓬萊濟西海
濯漑盤佇立雲嶽結幽蘭馳迅風遊炎州願言桑梓思
舊遊傾霄蓋靡電旌降彼天塗積窈冥辭仙族歸人羣

懷忠抱義奉明君任窮達隨所遭何為遠想令心勞

遠期篇

遠期千里客肅駕候良辰近命城郭友具爾惟懿親高
門啓雙闥長筵列嘉賓中唐儻六佾三廂羅樂人簫管
激悲音羽毛揚華文金石響高宇絃歌動梁塵修標多
巧捷九劔亦入神遷善自雅調成化由清均主人垂隆
慶羣士樂亡身願我聖明君遐期保萬春

石流篇

石上流水湔湔其波發源幽岫永歸長河瞻彼逝者歲
月其偕子在川上惟以增懷嗟我殷憂載勞寤寐遘此
百罹有志不遂行年倏忽長勤是嬰永言沒世悼茲無
成幸遇開泰沐浴嘉運緩帶安寢亦又何愠古之為仁
自求諸已虛情遙慕終於徒已

齊隨王鼓吹曲

十首

齊永明八年謝朓奉鎮西
隨王教於荊州道中作

謝朓

元會曲

以下三曲
頌帝功

二儀啓昌歷三陽應慶期珪贄紛成序鞮譯謀來思分
階葩組練充庭羅翠旗觴流白日下吹謚景雲滋天儀
穆藻殿萬寓壽皇基

陽一作朝謚一作溢壽一作慶

郊祀曲

六宗禋祀岳五峙奠甘泉整蹕遊九闕清簫開八壎鏘
鏘玉鑾動溶溶金障旋郊宮光已屬升柴禮既虔福響
靈之集南岳固斯年

靈一作雲

鈞天曲

高宴顥天臺置酒迎風觀笙鏞禮百神鍾石動雲漢瑤
臺琴瑟驚綺席舞衣散威鳳來參差玄鶴起凌亂已慶
明庭樂詎慙南風彈

臺一作堂琴一作寶起
一作至詎慙一作誰想

入朝曲

以下三曲
頌藩德

江南佳麗地金陵帝王州逶迤帶綠水迢遞起朱樓飛
甍夾馳道垂楊陰御溝凝笳翼高蓋疊鼓送華輶獻納
雲臺表功名良可收

出藩曲

雲枝紫微內分組承明阿飛艫遡極浦旌節去關河眇
眇蒼山色沈沈遠水波鏡音巴渝曲簫管盛唐歌夫君
邁遺德江漢仰清和

遡一作遊遠一作寒
管一作鼓遺一作惟

校獵曲

凝霜冬十月殺盛涼飈哀原澤曠千里騰騎紛往來平
置望烟合烈火從風迴殪獸華容浦張樂荆山臺虞人

昔有諭明明時戒哉

哀一作開
紛一作絡

從戎曲

選旅辭轅轅弭節赴河源
日起霜戈照風迴連騎翻紅
塵朝夜合黃河萬里昏寥戾
清笳嘒蕭條邊馬煩自勉
輟耕願征役去何言

赴一作趨

送遠曲

北梁辭歡宴南浦送佳人
方衢控龍馬平路騁朱輪瓊
筵妙舞絕桂席羽觴陳白雲
丘陵遠山川時未因一為
清吹激潺湲傷別巾

登山曲

天明開秀嶠，瀾光媚碧隄。風盪飄鶯亂，雲華芳樹低。暮春春服美，遊駕凌丹梯。升嶠既小魯，登巒且悵齊。王孫尚游衍，蕙草正萋萋。

飄鶯亂一作翻鶯亂雲華一作雲行凌一作躡丹一作石

汎水曲

玉露霑翠葉，金風鳴素枝。罷遊平樂苑，汎鷁昆明池。旌旗散容裔，簫管吹參差。日晚厭遵渚，採菱贈清漪。百年

如流水，寸心寧共知。

露一作霜旌一作羽管一作谷

梁鼓吹曲

十二首

隋書樂志曰梁高祖
制鼓吹新歌十二曲

沈約

木紀謝

隋書樂志曰改朱
鷺言齊謝梁升也

木紀謝火運昌炳南陸耀炎光民去癸鼎歸梁鮫魚出
慶雲翔韞五帝軼三王德無外化溥將仁蕩蕩義湯湯
浸金石達昊蒼橫四海被八荒舞千戚垂衣裳對天眷
坐巖廊肩有錫祚無疆風教遠禮容盛感人神宣舞詠
降繁祉延嘉慶

火一作
災

賢首山

改思悲翁言武帝破魏
軍於司部肇王迹也

賢首山險而峻，磳峴憑臨。胡陣騁奇謀，奮卒徒斷白馬。
塞飛狐，殪日逐，殲骨都。刀谷蠡，馘林胡。草既潤，原亦塗。
輪無反，幕有烏。掃殘孽，震戎逋。揚凱奏，展歡酺。詠杖杜。

旋京吳

謀一作謨

桐柏山

改艾如，張言武帝牧司王業彌章也。

桐柏山，淮之首。肇基帝跡，遂光區有大震。邊關迹殪獫，
醜農既勸，民惟阜穗。充庭稼盈畝，迨嘉辰。蓂芳糗納寒，
場為春酒。昭景福，介眉壽。天斯長，地斯久。化無極，功無

朽

道亡

改上之回言東昏喪
道義師起樊鄧也

道亡數極歸永元悠悠兆庶盡含冤
沈河莫極皆無安
赴海誰授矯龍翰自樊漢仙波流水清
且瀾救此倒懸
拯塗炭誓師劉旅赫靈斷率茲八百
驅十亂登我聖明
由多難長夜杳冥忽云旦

忱威

改擁離言破加
湖元勲建也

忱威授律命蒼兕言薄加湖灌秋水迴瀾
澍汨汎增雉

爭河投岸掬盈指
犯刃嬰戈洞流矢
資此威烈齊文軌

兕一作兕
威一作威

漢東流

改戰城南言義
師克魯山城也

漢東流江之汭
逆徒蜂聚旌旗紛蔽
仰震威靈稟高騁
銳至仁解網窮鳥入懷
因此龍躍言登泰階

鶴樓峻

改巫山高言平郢
城兵威無敵也

鶴樓峻連翠微
因巖設險池永歸
脣亡齒懼薄言震耀
靈威凶衆稽顙天
不能違金湯無所用
功烈長巍巍

昏主恣淫慝

改上陵言東昏政亂武帝起義平九江姑熱大破朱雀伐罪弔民也

昏主恣淫慝皆曰自昌盛上仁矜億兆誓師為請命既
齊丹浦戰又符甲子辰龕難伐有罪伐罪弔斯民悠悠
億萬姓於此覩陽春

石首局

改將進酒言義師平京
城仍廢昏定大事也

石首局北墉瑾新堞嚴東壘峻共表裏遙相鎮矢未飛
鼓方振競銜壁竝輿觀酒池擾象廊震同伐謀兼善陳
闢應和掃煨燼翦庶惡靡餘屑

期運集

改有所思言武帝膺
蘇受禪德盛化遠也

期運集惟皇膺寶符龍躍清漢渚鳳起方城隅謳歌共
適夏獄訟兩違朱二儀啓嘉祚千載猶旦暮舞蹈流帝

功金玉昭王度

膺一作應
方一作南

於穆

改芳樹言大梁闢運君
臣和樂休祚方遠也

於穆君臣君臣和以肅闕王道定天保樂均靈囿宴同
在鎬前庭懸鼓鍾左右列笙鏞纓佩俯仰有則備禮容
翔振鷺騁羣龍隆周何足擬遠與唐比蹤

前庭一作庭
前脩一作脩

惟大梁

改上邪言梁德廣運仁化洽也

惟大梁開運受錄膺圖君八極冠帶被五都四海並和

會排闕款塞無異塗

膺一作應圖一作天君八極一作冠八極一本無冠字

隋凱樂歌辭

三首

述帝德

於穆我后睿哲欽明膺天之命載育羣生開元創歷邁
德垂聲朝宗萬寓祇事百靈煥乎皇道昭哉帝則惠政
滂流仁風四塞淮海未賓江湖背德運籌必勝濯征斯

金匱要略卷十一
克八荒霧卷四表雲塞雄圖盛略邁後光前寰區已泰
福祚方延長歌凱樂天子萬年

述諸軍用命

帝德遠覃天維宏布功高雲天聲隆韶濩惟彼海隅未
從王度皇赫斯怒元戎啓路桓桓猛將赳赳英謨攻如
燎髮戰似摧枯救茲塗炭克彼妖逋塵清兩越氣靜三
吳鯨鯢已夷封疆在闕班馬蕭蕭歸旌奕奕雲臺表效
司勲紀績業並山河道固金石

述天下太平

阪泉軒德丹浦堯勲始實以武終乃以文嘉樂聖主大
哉為君出師命將廓定重氛書軌既并干戈是戢宏風
設教政成人立禮樂聿興衣裳載緝風雲自美嘉祥爰
集皇皇聖政穆穆神猷牢籠虞夏度越姬劉日月比耀
天地同休永清四海長帝九州

古樂苑卷十一

欽定四庫全書

古樂苑卷十二

明 梅鼎祚 編

橫吹曲辭 一

橫吹曲其始亦謂之鼓吹馬上奏之蓋軍中之樂也北狄諸國皆馬上作樂故自漢已來北狄樂總歸鼓吹畧其後分為二部有簫笳者為鼓吹用之朝會道路亦以給賜漢武帝時南越七郡皆給鼓吹是也有鼓角者為橫吹用之軍中馬上所奏者是也晉書樂志曰橫吹有鼓角又有胡角按周禮云以鼗鼓鼓軍事舊說云蚩尤氏帥魍魎與黃帝戰於涿鹿帝乃始命吹角為龍鳴以禦之其後魏

武北征烏丸越沙漠而軍士思歸於是減為半焉
尤更悲矣橫吹有雙角即胡樂也漢博望侯張騫
入西域傳其法於西京唯得麾訶兜勒一曲李延
年因胡曲更造新聲二十八解乘興以為武樂後
漢以給邊將和帝時萬人將軍得用之魏晉以來
二十八解不復具存而世所用者有黃鵠等十曲
其辭後亡又有關山月等八曲後世之所加也後
魏之世有嚴迴迴歌其曲多可汗之辭皆燕趙之
際解卑歌歌辭庸音不可曉解蓋大角曲也又古
今樂錄有梁鼓角橫吹曲多叙慕容垂及姚泓時
戰陣之事其曲有企喻等歌三十六曲樂府胡吹
舊曲又有隔谷等歌三十曲總六十六曲未詳時
月何篇也自隋以後始以橫吹用之鹵簿與鼓吹
列為四部總謂之鼓吹並以供大駕及皇太子王
公等一曰柷鼓部其樂器有柷鼓金鉦大鼓小鼓
長鳴角吹鳴角大角七種柷鼓金鉦一曲夜警用

之大鼓十五曲小鼓九曲大角七曲其辭並本之
鮮卑二曰鈇鼓部其樂器有歌鼓簫笳四種八十
二曲三曰大橫吹部其樂器有角節鼓笛簫箏
笳桃皮箏箏七種凡二十九曲四曰小橫吹部其
樂器有角笛簫箏箏笳桃皮箏
箏六種凡十二曲夜警亦用之

漢橫吹曲

擬漢

樂府解題曰漢橫吹曲二十八解李延年造魏
晉已來唯傳十曲一曰黃鵠二曰隴頭三曰出
關四曰入關五曰出塞六曰入塞七曰折楊柳
八曰黃覃子九曰赤之楊十曰望行人後又有
關山月洛陽道長安道梅花落紫騮馬騶馬雨
雪劉生八曲合十八曲其辭並亡惟出塞一曲
諸本載云古辭今
列諸家擬者于後

隴頭

一曰隴頭水通典曰天水郡有大阪名曰隴坻亦曰隴山即漢隴關也辛氏三秦記

曰其坂九回上者七日乃越上有清水四注下所謂隴頭水也

陳後主

隴頭征戍客寒多不識春驚風起嘶馬苦霧雜飛塵投
錢積石水歛轡交河津四面夕水合萬里望佳人

隴頭水

梁元帝

銜悲別隴頭關路漫悠悠故鄉迷遠近征人分去留沙
飛曉成幕海氣旦如樓欲識秦川處隴水向東流

同前

劉孝威

從軍戍隴頭隴水帶沙流時觀胡騎飲常為漢國羞
妻成兩劍殺子祀雙鉤頓取樓蘭頸就解郅支裘勿令
如李廣功遂不封侯

一作功多
遂不酬

同前

車數

隴頭征人別隴水流聲咽只為識君恩甘心從苦節雪
凍弓弦斷風鼓旗竿折獨有孤雄劍龍泉字不滅

同前

二首

陳後主

塞外飛蓬征隴頭流水鳴漠處揚沙暗波中燥葉輕地
風水易厚寒深溜轉清登山一回顧幽咽動邊情
高隴多悲風寒聲起夜叢禽飛暗識路鳥轉遂征蓬落
葉時驚沫移沙屢擁空回頭不見望流水玉門東

同前

徐陵

別塗聳千仞離川懸百丈攢荆夏不通積雪冬難上枝
交隴底暗石礙坡前響回首咸陽中唯言夢時往

同前

顧野王

隴底望秦川，迢遞隔風煙。
蕭條落野樹，幽咽響流泉。
瀚海波難息，交河水未堅。
寧知蓋山水，逐節赴危絃。

同前

謝燮

隴坂望咸陽，征人慘思腸。
咽流喧斷岸，遊沫聚飛梁。
鳬分歛，冰彩虹飲照。
旗光試聽饒，歌曲唯吟君馬黃。

同前 二首

張正見

隴頭鳴四注，征人逐貳師。
羌笛含流咽，胡笳雜水悲。
湍高飛轉駛，澗淺蕩還遲。
前旌去不見，上路杳無期。

隴頭流水急流急行難渡遠入隄囂營傍侵酒泉路心
交賜寶刀小婦成紉袴欲知別家久戎衣今已故

同前 二首

江總

隴頭萬里外天崖四面絕人將蓬共轉水與啼俱咽驚
湍自湧沸古樹多摧折傳聞博望侯苦辛提漢節

霧暗山中日風驚隴上秋徒傷幽咽響不見東西流無
期從此別更度幾年幽遙聞玉關道望入杳悠悠

幽咽一作

咽鳴

入關

梁吳均

羽檄起邊庭烽火亂如螢是時張博望夜赴交河城馬

頭要落日劒尾掣流星君恩未得報何論身命

身命
頌一

作身
是頌

同前

詩彙作
庚信

隋虞茂

隴雲低不散黃河咽復流關山多道里相接幾重愁

重

愁一作
萬里愁

出塞

晉書樂志曰出塞入塞曲李延年造曹嘉之晉書曰劉琨嘗避亂塢壁賈胡百數欲

害之疇無懼色援箏而吹之為出塞入塞之聲以動其遊客之思於是羣胡皆垂泣而去西京襍記高帝戚夫人善鼓瑟擊筑帝常擁夫人倚瑟而絃歌畢每泣下流漣夫人善為翹袖折腰之舞歌出塞入塞望歸之曲侍婦數百皆習之後宮齊首高唱聲入雲霄則高帝時已有之疑不起於延年也唐又有塞上塞下曲蓋出於此

古辭

候騎出甘泉奔命入居延旗作浮雲影陣如明月弦

同前

梁劉孝標

薊門秋氣清飛將出長城絕漠衝風急交河夜月明陷

敵擬金鼓摧鋒揚旆旌去去無終極日暮動邊聲

同前

一作塞
下曲

周王褒

飛蓬似征客千里自長驅塞禽唯有鴈關樹但生榆背

山看故壘繫馬識餘蒲還因麾下騎來送月支圖

三齊
略記

秦始皇至東海蟠蒲繫馬
至今其地蒲生皆糾結

同前

薛道衡虞
世基和

隋楊素

漠南胡未空漢將復臨戎飛狐出塞北碣石指遼東冠
軍臨瀚海長平翼大風雪橫虎落陣氣抱龍城虹橫行

萬里外胡運百年窮兵寢星芒落戰解月輪空嚴鱗息
夜斗驛角罷鳴弓北風嘶朔馬胡霜切塞鴻休明大道
登幽荒日用同方就長安郎來謁建章宮

幽荒日用同
一作幽荒日

同照

漢虜未和親憂國不憂身握手河梁上窮涯北海濱據
鞍獨懷古忼慨感良臣歷覽多舊迹風日慘愁人荒塞
空千里孤城絕四鄰樹寒偏易古草衰恒不春交河明
月夜陰山苦霧辰雁飛南入漢水流西咽秦風霜久行

後河朔備艱辛薄暮邊聲起空飛胡騎塵

同前 二首

薛道衡

高秋白露團上將出長安塵沙塞下暗風月隴頭寒轉
蓬隨馬足飛霜落劍端凝雲迷代郡流水凍桑乾烽微
枯槁遠橋峻轆轤難從軍多惡少招募盡材官伏堤時
卧鼓疑兵作解鞍柳城擒冒頓長坂納呼韓受降今更
築燕然已重刊還嗤傳介子辛苦刺樓蘭

柳城擒冒頓
一作龍城擒

冒頓

邊庭烽火驚插羽夜徵兵少昊騰金氣大昌動將星長
驅鞬汗北直指夫人城絕漠三秋暮窮陰萬里生寒夜
哀笳曲霜天斷鴈聲連旗下鹿塞疊鼓向龍庭妖雲墜
虜陣暈月遶胡營左賢皆頓顙單于已繫纓緇馬登玄
闕釣鯢臨北溟當知霍驃騎高第起西京

同前

二首後首一作虞世南按世基與道衡並和楊素作各二首句數亦同則此似非世

南
矣

虞世基

窮秋塞草腓塞外胡塵飛徵兵廣武至候騎陰山歸廟

堂千里策將軍百戰威
轅門臨玉帳大旆指金微
摧朽無勍敵應變有先機
銜枚壓曉陣卷甲解朝圍
瀚海波瀾靜王庭氛霧晞
鼓聲嚴朔氣原野暄寒暉
勲庸震邊服歌吹入京畿
待拜長平坂鳴騶入禮闈

卷甲解朝闈
一作卷甲掩

宵闈

上將三略遠元戎九命尊
緬懷古人節思酬明主恩
山西多勇氣塞北有遊魂
揚桴度隴坂勒騎上平原
誓將絕沙漠悠然去玉門
輕齋不遑舍驚策驚戎軒
懍懍邊

風急蕭蕭征馬煩雪暗天山道冰塞交河源霧烽黯無

色霜旗凍不翻耿介倚長劔日落風塵昏

度隴一作上隴勒騎上一

作勒馬下

入塞

周王褒

戍久風塵色勲多意氣豪建章樓閣迴長安陵樹高度
冰傷馬骨經寒墜節旄行當見天子無假用錢刀

同前

隋何妥

桃林千里險候騎亂紛紛問此將何事嫖姚封冠軍迴

旌引流電歸蓋轉行雲待任蒼龍傑方當論次勳

方當一作

何當

折楊柳

唐書樂志曰梁樂府有胡吹歌云上馬不捉鞭反拗楊柳枝下馬吹橫笛愁殺

行客兒此歌辭元出北國即鼓角橫吹曲折楊柳枝是也宋書五行志曰晉太康末京洛為折楊柳之歌其曲有兵革苦辛之辭按古樂府又有小折楊柳相和大曲有折楊柳行清商四曲有月節折楊柳歌十三曲與此不同

梁元帝

山高巫峽長垂柳復垂楊同心且同折故人懷故鄉山似蓮花艷流如明月光寒夜猿聲徹遊子淚霑裳

同前

一本作
簡文帝

柳惲

楊柳亂成絲攀折上春時葉密鳥飛礙風輕花落遲城

高短簫發林空畫角悲曲中別無意併是為相思

別無
意一

作無
別意

同前

劉邈

高樓十載別楊柳濯絲枝摘葉驚開駛攀條恨久離年
年阻意息月月減容儀春來誰不望相思君自知

同前

二首

陳後主

楊柳動春情，倡園妾屢驚。入樓含粉色，依風雜管聲。武昌識新種，官渡有殘生。還將出塞曲，仍共胡笳鳴。

仍共一作

仍作

長條黃復綠，垂絲密且繁。花落幽人逕，步隱將軍屯。谷

暗宵鉦響風高夜，笛喧聊持暫攀折。空足憶中園。

空足一作

空是

同前

岑之敬

將軍始見知，細柳繞營垂。懸絲拂城轉，飛絮上宮吹。塞

門交度葉谷口暗橫枝曲成攀折處唯言怨別離

同前

徐陵

嫋嫋河堤樹依依魏主營江陵有舊曲洛下作新聲妾
對長楊苑君登高柳城春還應共見蕩子太無情

同前

張正見

楊柳半垂空裊裊上春中枝疎董澤箭葉碎楚臣弓色
映長河水花飛高樹風莫言限宮掖不閉長楊宮

同前

王瑳

塞外無春色上林柳已黃枝影侵宮暗葉彩亂星光陌
頭藏戲鳥樓上掩新粧攀折思為贈心期別路長

同前

江總

萬里音塵絕千條楊柳結不悟倡園花遙同天嶺雪春
心自浩蕩春樹聊攀折共此依依情無奈年年別

天一作无

關山月

樂府解題曰關山月傷離別也古木蘭詩曰萬里赴戎機關山度若飛朔氣傳

金柝寒光照鐵衣按相和曲有度關山亦類此

梁元帝

朝望清波道夜上白登臺月中含桂樹流影自徘徊寒

沙逐風起春花犯雪開夜長無與晤衣單誰為裁

同前 二首

陳後主

秋月上中天迴照闕城前暈缺隨灰減光滿應珠圓帶
樹還添桂銜峰乍似弦復教征戍客長怨久連翩

戍邊歲月久恒悲望舒耀城遙接暈高澗風連影搖寒
光帶岫徒冷色含山峭看時使人憶為似嬌娥照

同前

陸瓊

邊城與明月俱在關山頭焚烽望別壘擊斗宿危樓團

團婕妤扇纖纖秦女鈎鄉園誰共此愁人屢益愁

同前

張正見

巖間度月華流彩映山釵暈逐連城壁輪隨出寒車唐
萱遙合影秦桂遠分花欲驗盈虛駛方知道路賒

一作理

同前 二首

徐陵

關山三五月客子憶秦川思婦高樓上當窻應未眠星
旗映疎勒雲陣上祁連戰氣今如此從軍復幾年

月出柳城東微雲掩復通蒼茫縈白暈蕭瑟帶長風羌

兵燒上郡胡騎獵雲中將軍擁節起戰士夜鳴弓

同前

賀力牧

重關歛暮煙明月下秋前照石疑分鏡臨弓似引弦霧

暗迷旗影霜濃濕劒蓮此處離鄉客遙心萬里懸

霧一作雷

同前

阮卓

關山陵漢開霜月正徘徊映林如壁碎侵塞似輪摧楚
師隨悔盡胡兵逐暖來寒笳將夜鵲相亂晚聲哀

同前

江總

兒月半輪明孤闌一路平無期造此別復欲幾年行映
光書漢奏分影照胡兵流落今如此長戍受降城

同前

周王褒

關山夜月明秋色照孤城影虧同漢陣輪滿逐胡兵天
寒光轉白風多暈欲生寄言亭上吏遊客解雞鳴

洛陽道

梁簡文帝

洛陽佳麗所大道滿春光遊童時挾彈蠶妾始提筐金
鞍照龍馬羅袂拂春桑玉車爭曉入潘果溢高箱

時一作初

同前

梁元帝

洛陽開大道城北達城西青槐隨慢拂綠柳逐風低玉珂鳴戰馬金爪鬪場雞桑姜日行暮多逢秦女妻

同前

沈約

洛陽大道中佳麗實無比燕裙傷日開趙帶隨風靡領上蒲桃繡腰中合歡綺佳人殊未來薄暮空徙倚

同前

庾肩吾

微道臨河曲曾城傍洛川金門纔出柳桐井半含泉日

起果惡外車回雙闕前潘生時未返遙心徒眷然

同前

車敝

洛陽道八達洛陽城九重重闕如隱起雙闕似芙蓉王
孫重行樂公子好遊從別有傾人處佳麗夜相逢

同前

五首

陳後主

諠譁照邑里遨遊出洛京霜枝嫩柳發水塹薄苔生停
鞭回去影駐軸敝前薨臺上經相識城下屢逢迎踟躕
還借問只重未知名

日光朝杲杲，照耀東京道。
霧帶城樓開，啼侵曙色早。
佳麗嬌南陌，香氣含風好。
自憐釵上纓，不歎河邊草。

建都開洛汭，中城乃城陽。
縱橫肆八達，左右闢康莊。
銅溝飛柳絮，金谷落花光。
忘情伊水側，稅駕河橋傍。

百尺瞰金埒，九衢通玉堂。
柳花塵裏暗，槐色露中光。
遊俠幽并客，當鑪京兆妝。
向夕風煙晚，金羈滿洛陽。

青槐夾馳道，御水映銅溝。
遠望凌霄閣，遙看并幹樓。
黃金彈俠少，朱輪盛徹侯。
桃花雜渡馬，紛披聚陌頭。

同前 二首

徐陵

綠柳三春暗紅塵百戲多東門向金馬南陌接銅駝華
軒翼掠吹飛蓋響鳴珂潘郎車欲滿無奈擲花何

洛陽馳道上春日起塵埃濯龍望如水河橋度似雷聞

珂知馬蹀傷懣見夢開相看不不得語密意眼中來

水一作霧

同前

岑之敬

喧喧洛水濱鬱鬱小平津路傍桃李節陌上採桑春聚
車看衛玠連手望安仁復有能留客莫愁嬌態新

同前

陳暄

洛陽九達上羅綺四時春路傍避驄馬車中看玉人鎮

西歌豔曲臨淄逢麗神欲知雙璧價潘夏正連茵

達一作衛

同前

王璩

洛陽夜漏盡九重平旦開日照蒼龍闕煙遠鳳凰臺浮
雲翻似蓋流水到成雷曹王關雞返潘仁載果來

同前

張正見

曾城啓旦扉上洛滿春暉柳影綠溝合槐花夾岸飛蘇

合彈珠罷黃間負翳歸紅塵暮不息相看連騎稀

同前 二首

江總

德陽穿洛水伊闕通河橋仙舟李膺棹小馬王戎鑣杏
堂歌吹合槐路風塵饒綠珠含淚舞孫秀彊相邀

小平路四達長秋聽五鍾玉節迎司隸錦車歸濯龍絃
歌聲不息環佩響相從花陣蕩舟笑日映下山逢

路一作臨

長安道

梁簡文帝

神臯開隴右陸海實西秦金埏抵長樂複道向宜春落

花依度憶垂柳拂行人金張及許史夜夜尚留賓

金捷一作推輸

同前

元帝

西接長楸道南望小平津飛甍臨綺翼輕軒影畫輪雕
鞍承赭汗槐路起紅塵燕姬雜趙女淹留重上春

同前

庾肩吾

桂宮延複道黃山開廣路遠聽平陵鍾遙識新豐樹合
殿生光彩離宮起煙霧日落歌吹回塵飛車馬度

回一作還

同前

陳後主

建章通未央長樂屬明光大道移甲第甲第玉為堂遊
蕩新豐裏戲馬渭橋傍當壚晚留客夜夜苦紅妝

同前

顧野王

鳳樓臨廣路仙掌入煙霞章臺京兆馬逸陌富平車東
門疎廣餞北闕東賢家渭橋縱觀罷安能訪狹斜

同前

阮卓

長安馳道上鍾鳴宮寺開殘雲銷鳳闕宿霧斂章臺驕
轉金吾度車鳴丞相來藹藹東都晚羣公駟御回

同前

蕭賁

前登灞陵道還瞻渭水流城形類北斗橋勢似牽牛飛
軒駕良駟寶劍維輕裘經過狹斜裏日暮與淹留

裏一作里

同前

徐陵

輦道乘雙闕豪雄被五都橫橋象天漢法駕應坤圖韓
康賣良藥董偃當明珠喧喧擁車騎非但執金吾

同前

陳暄

長安開繡陌三條向綺門張敞車卑馬韓嫣乘副軒寵

深來借殿功多競
買園將軍夜夜近
絃歌著曙喧

同前

江總

翠蓋乘承露
金羈照落暉
五侯新拜罷
七貴早朝歸
轟轟紫陌上
藹藹紅塵飛
日暮延平客
風花拂舞衣

同前

周王褒

槐衢臨北第
馳道度西宮
樹陰連袖色
塵影雜衣風
採桑逢五馬
停車對兩童
喧喧許史座
鐘鳴賓未窮

同前

隋何妥

長安狹斜路縱橫四達分車輪鳴鳳轄箭服耀魚文五
陵多任狹輕騎自連羣少年皆重氣誰識故將軍

梅花落

梅花落本笛中曲也按唐大角曲亦有
大單于小單于大梅花小梅花等曲今

其聲猶

有存者

宋鮑照

中庭雜樹多偏為梅咨嗟問君何獨然念其霜中能作
花露中能作實搖蕩春風媚春日念爾零落逐風飈徒
有霜華無霜質

同前

梁吳均

終冬十二月寒風西北吹獨有梅花落飄蕩不依枝流
連逐霜彩散漫下水澌何當與春日共映芙蓉池

同前 二首

陳後主

金砌落芳梅飄零上鳳臺拂粧疑粉散逐溜似萍開映

日光光動迎風香氣來佳人早插髻試立且徘徊

金一作春

楊柳春樓邊車馬飛風煙連娉烏孫伎屬客單于鴈
聲不見書蠶絲欲斷弦欲持塞上蕊試立將軍前

同前

徐陵

對戶一株梅新花落故栽燕拾還蓮井風吹上鏡臺倡
家怨思妾樓上獨徘徊啼看竹葉錦箋罷未成裁

怨一作愁

同前

蘇子卿

中庭一樹梅寒多葉未開祇言花是雪不悟有香來上
郡春恒晚高樓年易催織書偏有意教逐錦丈回

是一作似

同前

張正見

芳樹映雪野發早覺寒侵落遠香風急飛多花選深周
人歎初探魏帝指前林邊城少灌木折此自悲吟

雪一作雲

同前

三首末一首大苑英華
作徐陵玉臺新詠作總

江總

縹色動風香羅生枝已長妖姬墜馬髻未插江南璫轉
袖花紛落春衣共有芳羞作秋胡婦獨採城南桑
胡地少春來三年驚落梅偏疑粉蝶散乍似雪花開可
憐香氣歇可惜風相摧金鏡且莫韻玉笛幸徘徊

臘月正月早驚春衆花未發梅花新可憐芬芳臨玉臺
朝攀晚折還復開長安少年多輕薄兩兩常唱梅花落
滿酌金卮催玉柱落梅樹下宜歌舞金谷萬株連綺夢

梅花密處藏嬌鶯桃李佳人欲相照摘葉牽花來竝笑
楊柳條青樓上輕梅花色白雪中明橫笛短簫婁復切
誰知柏梁聲不絕

紫騮馬

古今樂錄曰紫騮馬古辭云十五從軍
征八十始得歸道逢鄉里人家中有阿
誰又梁曲曰獨柯不成樹獨樹不成林念娘
錦襖襠恒長不忘心蓋從軍久戍懷歸而作
也

梁簡文帝

賤妾朝下機正值良人歸青絲懸玉鉸朱汗染香衣驟
急珂彌響踰多塵亂飛雕菰幸可薦故君心莫違

君一作人

同前

郭本遺
後四句

元帝

長安美少年金絡連錢宛轉青絲鞵照耀珊瑚鞭依
槐復依柳蹀躞復隨前方逐幽并去西北共聯翩

同前

二首

陳後主

嫖姚紫塞歸蹀躞紅塵飛玉珂鳴廣路金絡耀晨輝蓋
轉時移影香動屢驚衣禁門猶未閉連騎恣相追

一作莫
相違

蹀躞紫騮馬照耀白銀鞍直去黃龍外斜趨玄菟端垂
鞵還細柳楊塵歸上蘭紅臉桃花色客別重羞看

同前

李燮

紫燕忽踟躕紅塵起路隅
園人移首猶騎士逐麋蕪
三邊追點虜一鼓定彊胡
安用珂為玉自有汗成珠

同前

徐陵

玉鐙繡纏鬃金鞍錦覆轅
風驚塵未起草淺埒猶空
角弓穿兩兔珠彈落雙鴻
日斜馳逐罷連翩還上東

穿一作連

同前

張正見

將軍入大宛善馬出從戎
影絕乾河上聲流水窟中似

鹿猶疑草如龍欲向空顏還十萬里試為一追風

水一作入

同前

陳暄

天馬汗如紅鳴鞭度九峻飲傷城下凍嘶依北地風笛
寒芳樹歇笛怨柳枝空橫行意未已羞住轂車中

住一作往

同前

一作蘇
子卿

祖孫登

候騎陌樓蘭長城迴路難嘶從風處斷骨住水中寒飛
塵暗金勒落淚灑銀鞍抽鞭上關路誰念客衣單

迴一作迴

同前

獨孤嗣宗

倡樓望早春寶馬度城闌照耀桃花選蹀躞採桑津金

羈麗初景玉勒染輕塵遠聽珂驚急猶是畫眉人

猶一作知

同前

江總

春草正萋萋蕩婦出空閨識是東方騎猶帶北風嘶揚
鞭向柳市細蹀上金堤願君憐織素殘妝尚有啼

驄馬

一曰驄馬驅皆言
闕塞征役之事

梁車敎

驄馬鏤金鞍柘彈落金凡意欲趁趨走先作野遊盤平
明發下蔡日中過上蘭路遠行須疾非是畏人看

同前

題一有
曲字

劉孝威

十五官期門二十屯邊徼
羈玉鏤鞍寶刀金錯鞘
一隨驄馬驅分受青蠅弔
且令都護知願被將軍照
誓使氍毹衣鄉掃地無遺噍

同前

隋庾抱

檣上浮雲驄本出吳門中
發跡來東道長鳴起北風
迴鞍拂柱白赭汗類塵紅
滅沒徒留影無因圖漢宮

同前

王由禮

善馬金羈飾躡影復變空影入長城水聲隨胡地風控
斂青門外珂喧紫陌中行行若不倦唯當御史驄

驄馬驅

梁元帝

朔方寒氣重胡關饒苦霧白雪晝凝山黃雲宿埋樹連

翩行役子終朝征馬驅試上金微山還看玉關路

驅都故切

同前

劉孝威

翩翩驄馬驅橫行復斜趨先救遼城危後拂燕山霧風
傷易水涓日入隴西樹未得報君恩聯翩終不住

趨去聲

同前

陳徐陵

白馬號龍駒，雕鞍名鏤渠。諸兄二千石，小婦字羅敷。
倚端輕掃史，召募擊休屠。塞外多風雪，城中絕詔書。
空憶長楸下，連蹠復連蹠。

渠一作衢
史一作吏

同前

江總

長城兵氣寒，飲馬詎為難。暫解青絲轡，行歇鏤衢鞍。
白登圍轉急，黃河凍不乾。萬里朝飛電，論功易走丸。

雨雪

采薇詩曰：昔我往矣，楊柳依依。今我來思，雨雪霏霏。穆天子傳曰：天子遊于黃室之

曲筵獵萍澤天子乃休日中大寒北風雨雪
有凍人天子作詩三章以哀之曰我徂黃竹

是也雨雪曲

蓋服諸此

陳後主

長城飛雪下邊關地籟吟濛濛九天暗霏霏千里深樹
冷月恒少山霧日偏沈况聽南歸鴈切思胡笳音

雨雪曲

陳江暉

邊城風雪至客子自心悲風哀笳弄斷雪暗馬行遲輕
生本為國重氣不關私恐君猶不信撫劍一揚眉

同前

張正見

胡關辛苦地雲路遠漫漫舍冰踏馬足雜雨凍旗竿沙
漠飛恒暗天山積轉寒無因辭日逐團扇掩齊紈

同前

江總

雨雪隔榆溪從軍度隴西遶陣看狐迹依山見馬蹄天
寒旗彩壞地暗鼓聲低漫漫愁雲起蒼蒼別路迷

同前

陳暄

都尉出祁連雨雪滿雞田雕陵持抵鵲屬國用和氍毹
合軍應渡樓寒烽未然花迷差未著疎勒復經年

同前

謝燮

朔邊昔離別寒風復淒切
我我六尺冰飄飄千里雪
未塞素安戶行封蘇武節
應隨隴水流幾過空鳴咽

作一

劉生

樂府解題曰劉生不知何代人齊梁已來
為劉生辭者皆稱其任俠豪放周遊五陵
三秦之地或云抱劍專征為符節官所未詳
也按古今樂錄梁鼓角橫吹曲有東平劉生
歌疑卽此

劉生也

梁元帝

任俠有劉生然諾重西京
扶風好驚坐長安恒借名榴
花聊夜飲竹葉解朝醒
結交李都尉遨遊佳麗城

同前

吳均

結客少年歸翩翩駿馬肥報恩殺人竟賢君賜錦衣握
蘭登建禮拖玉入含暉顧看草玄者功名終自微

同前

陳後主

遊俠長安中置驛過新豐擊鐘蒲壁磬鳴弦柳葉弓孟
公正驚客朱家始賣僮羞作荆卿笑捧劍出遼東

柳一作楊

同前

張正見

劉生絕名價豪俠恣遊陪金門四姓聚繡轂五侯來塵

飛馬腦勒酒映碑礫杯別有追遊夜秋牕向月開

度一作香

同前

江暉

五陵多美選六郡盡良家劉生代豪蕩標舉獨榮華寶劍長三尺金樽滿百花唯當重意氣何處有驕奢

同前

徐陵

劉生殊倜儻任俠遍京華戚里驚鳴筑平陽吹怨茄俗儒排左氏新室忌漢家高才被擯壓自古共憐嗟

同前

外編作隋王由禮題云贈使侶

江總

劉生負意氣長嘯且徘徊高論明秋水命賞陟春臺干
戈倏儻用筆硯縱橫才置驛無年限遊俠四方來

高一
作辯

同前

隋柳莊

座驚稱字孟豪雄道姓劉廣陌通朱邸大路起青樓要
賢驛已置留賓輶且投光斜日下霧庭陰月上鉤

且一
作仍

同前

弘執恭

英名振闕右雄氣逸江東遊俠五都內去來三秦中劍
照七星彩馬空千金驄縱橫方未息因茲定武功

古樂苑卷十二